

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3021 del 15/10/2025

Der programm ist gamòcht van Bersntoler Kulturinstitut ont schaugung galòk asn Trentino Tv

Sim to en Bersntol, de 1000 trèffn va de nochrictzait as Bersntolerisch

[Mòcheno] “Sim to en Bersntol”, ist der titl as balsch van “Sim to en Bersntol”, ist en tausnte trèff. En sòmsta as de 11 van schanmikeal, der òll boch drinnhòlter van nochrictn ont vertiavn as keart en de bersntoler sprochminderhait ist en tausnte trèff. De Nochrictzait gamòcht van Bersntoler Kulturinstitut ont schaugung galòk asn Trentino TV, ist zuazolt van Jorplan ver de nochrictn tschrim van Dinst ver de Sprochminderhaitn va de autonome Provinz va Trea’t zòmm pet de kultural Institutn, van Comun general de Fascia ont van òlla de òllgamoas’innrichtn as òrbetn asn vernem ont asn kennen mòchen de storische sprochminderhaitn van Trentin.

Van istituzional as de kultural ont sportlich trèffen, der òll boch tiafdruck gip nochrictn van dinstn ont van vaierta as sai’ kuntschòft va oa’nekait van a gamoa’schòft as lust hòt ont zòmm steat.

Der earste trèff as bersntolerisch ist augòngen en oberel 2006 gèltsgott en de zuazoln vourstellt asn stòttgasetz as stitzn de storische sprochminderhaitn (de n. 482 va de 15 van schantònderer 1999). Van 2008, jor benn as ist kemmen gadruckt s doi provinzal gasetz (L.P. va de 19 van prochet 2008, n. 6), de Provinz va Trea’t leuk en bilanz an zuazol ver za stitzn de sprochminderhaitn asou za versichern de richtegen strumentn ver za gem gilt en de storische sprochminderhaitn as sai’ en trentin ont s rècht van doin gamoa’schòftn za hom de nochrictn as de aigene earste sproch.

Pet de untetitln as balsch, de bersntoler nochrictzait pfiart va de Antonella Moltrer kimmip schaugung galòk òll boch as en Trentino TV (sender 10 van telekomando) s earste vòrt en sòmsta um 18.10 ont bider s glaiche en sunta no der regional TG, um 13.15 ungefèr.

As de sait van Bersntoler Kulturinstitut ist moglech sechen bider de trèffen van gònze jor.

Der doi ist der link bou za schaugung: <https://www.bersntol.it/Risorse/Sim-to-en-Bersntol>

Ibersetz gamòcht van Sprochtirl va de Tolgamoas’schòft Hoa Valzegu’ ont Bersntol

(cdt)